

Badische Landesbibliothek Karlsruhe

Digitale Sammlung der Badischen Landesbibliothek Karlsruhe


Ein kurtze Underweisung wie man beichten sol

Luther, Martin

[Straßburg], 1520

VD16 L 5408

urn:nbn:de:bsz:31-40223




125

132 | 56 | 1

Diese Binnengesetz
Bücher sind in die
Zusammen gebunden.

- 1 Des Costenzer rjd so sie dem
ganze Österreich gethon haben. &c.
- 2 Des Lützeren Priesterzünftung
wider K. Carolinn. &c.
- 3 Protestation K. Caroli zu Rom
auch des König vß Frankreich
zeichs ant wirt.
- 4 D. Martin Lützeres warnung
an die Deutschen.
- 5 D. Martin Lützeres predig von
dem ablast.
- 6 D. Martin Lützeres andert geil
vom Sacrament wider die him
lischen propheeten.
- 7 Wie man berichten soll vß D.
Martin Lützer &c.
- 8 D. Martin Lützeres Rathhandl.

- 9 Der pzeichter schafft zu Zürich
handlung von wegen des Euangelij.
- 10 Vergleichung des bapsts sätzung
gegen der leib Christi Jesu.
- 11 Verantworte text vñ dem bapst-
lichen rechten.
- 12 81. articel, denen sich die stend
des reichs am bapst beschwären etc.
- 13 Von einer tochter so von dem
bösen geist besessen gewesen ist.
- 14 Von den vridertaniffelen zu
stänstet.
- 15 Die Cantdisier Reitz Cazolo
übergeben sy.



In kurtze underwi-
 sung Wie man beichtē sol. Auf
 Doctor Martinus Luthers/
 Augustiner wolmeinunge ge-
 zogen/zū Wittemburck. Anno. M. d. xx.



Ein nam heil. elt. dot. Ee. seel. falsch





le
8
v
L
m
w
g
be
ne
C
no
de
ies
cfr
ant
alle
ne
im
C
sein
len
sin
die
ry/
saz
de
sin
lich



Am ersten soll ein yegklich

Christe mensch das beichten will/sein meistes vnd gröſt vertrauē in die allerbarmherzigest verheiffung vnd zūsagung gotes setze vnnnd habē/vñ festiglich glaubē/

ſ almechtig gott werd im sein sünd barmherzigliche vergebē. Dan ſ heilig Prophet sagt in dē. xxiii. psalm. O herz du würdest mir mein sünd/vō wegen deines namens/gnediglich vergeben. Wie den des menigklich weiter erinnerūg auß des künigs Manasses zū Juda gebeth nemē mag/welches gebett/weil es ser wol zū ſ beicht dienet/mag es ein yegklich christe mensch vor seker beicht sprechē. Dis gebet sūch on eins das lest blat.

¶ Zūm andern. Soll ein yegklichs christe mensch zū vor vnd ee es sein sünd dē priester beicht/sein beicht got dē herrē mit grossem fleiß thun/vnd seiner götliche maieſtat alle seine gebrechē vñ sünd/vnd wie er sich geschickt vnd gesitt befindet/clar vnd vnuerborgē/vnd nicht anders erzēle vnd anzeigen/dan als redet er mit seiner allerheimlichſtē freūnd einem. Er müß auch gott seine sündige böse gedancken/sovil er sich der selbigen erinneren kan beichten.

¶ Zūm dritcen. Sol ein yegklichs christen mensch dz sein sünd beichtē will/ein warhafftigen fürsatz vñ willen haben/sein leben hienfürbaß bessern/vnnnd sich der sünde die öffentlich todsünd seind/als Lebruch/mordt diebstal/übel nachreden/wücher/vnkeüſcheit/raubery/vnd dergleichen sachen zū entschlagē. Ja disen fürsatz müß ein mensch haben so bald es der berürten sünde eine vollbracht hat. Dann wo ein mensch so vnbesint were vnd on disen fürsatz beichtet/so wer es gefertlich. Wenn aber ein mensch bey jm findt das er keinen

Aa ij

*Satisfactio
& penitentia*

*precatio impetra
di opposita*

rechten fürsatz hat sein lebē zū besserē/so sol es auff sein
Enye fallen/vnd gott bittē vmb ein gūten fürsatz/vnd
sprechen. O mein gott vnd herr/ich hab ye das nit/das
ich schuldig bin/ich vermags auch nit. Darum bit ich
dich/du wollest mir das genedigklich geben das du ge
beütest vnd mir gebieten das du wilt.

¶ Zūm vierdē Sol man die sünd des hertzē/die heim
lich vñ allein gott bekant sein beichtē / so muß man die
heimlichē sünd beichtē/die der mensch gerad wiß die ge
bott gottes bey jm beschlossen hat zū volbungē. Dann
es ist vnmüglich ein fürsatz zū habē die sünd die teglich
sünd genāt werdē/zū meidē/wan die meinūg des meis
lichē vnd weiblichen geschlechts zūsamē/lassen nit ab.
Auch rüet d teufel nit/so ist vnser natur ganz sündig.

¶ Zūm fünfften. Muß es ein mēsch dar für haltē dz
jm nit möglich sey alle sein tödlich sünd zū gedechtniß
zū bringē vñ zū beichtē/sond sol es dar für achten/das
er nach allē seinem fürgewentē fleiß den wenigstē teile
seiner sünd gebeicht hab. Dan es spricht d Prophet in
einem psalm. O herr mach mich rein von meinen heim
lichē sündē. Vñ in einē anderē psalm. Wer versteet die
sünd. Darum sol der mensch die todsünd beichtē die of
fenlich todsünd seind/vnd die sein gewissen zū d zeyt sey
ner beicht beschwäre/die andern sol er lassen farē/dan
es ist so gar vnmöglich das d mensch müg alle seine tod
sünd beichtē/das auch vnserē gūte werck/wen sie gott
mit seinē ornst/vñ nit mit seiner gütigen barmherzig
keit/vrteilet/tödlich vñ verdälich sein/Sol man aber
ye alle todsünd beichtē/so mag es mit hernachvolgēdē
kurtzē Worten geschēhē. Ja mein ganzes lebē vñ alles
dz ich thū/handel/red vñ gedenck/ist also gethon/dz es
tödlich vñ verdälich ist. Dan wen es ein mensch hiele
dz es on todsünd wer/dz wer die allertölichst todsünd.

Zum seften. soll ein mensch das beichten will/ die weytleuffige vnd manigfeltig vnderscheidt 8 sünd/ vñ irer vñstend lassen faren/ vñ sich allein der gebott gottes besleiffen/ vnd die selbē für sich nemen vnd übersehē⁷¹ vnd sein beicht darauff ordnen vnd kurz machen/ dan wān man die gebot gottes recht ansicht/ so findt man darinn/ wie gott von vns durch allerley sünd ist übergeben/ verachtet vnd erzürnet worden.

Zum sybenden. Sol man ein grosse vnderseide machen zwischē den sündē/ die wider die gebott gottes vñ wider die gebott vñ gesetz der menschen geschehen seind/ dann on die gebott gottes kan kein mensch selig werden/ aber on die gebott 8 menschē kan man wol se:

Zum achtē. Wen man beichtē wil/ so (lig werdē. soll man bald allein die zehē gebot gottes für sich nemē vñ sagē/ wie man darwiß gesündet hab / also nemlich.

Wider das erst gebott gottes.

Du solt in ein einigen gott glauben.

Das mā got nie recht geliebt/ geert noch gefürcht hat
Das man in widerwertigkeit bey zauberern vnd zaubererin radt gesücht hat.

Das man on not gott versücht/ vnd sich in ferlichkeit leibes vnd der selen geben hat.

Das man zu den sachen vnd hendlen/ den zeichen vnd der sternenseher rat glaubt hat.

Das man gezaubert hat.

Das man achtung auff die erwölte tag gehabt hat.

Das man sich mit dē teüfel verbunden hat.

Das man die widerwertigkeit dem teüfel oder bösen menschen zügemessen hat.

Das man glaubt hat figurē/ segen/ vnd kreüter helffē wider ferlichkeit vnd widerwertigkeit.

Das man nicht glaubt hat/ dz alle güte ding vñ glück

Aa ij

seligkeit allein von gott kommen.

Das man nit glaubt hat/das allein gott in widerwertigkeit helfen kan.

Das man mit vergessenheit der selē heil/die liebē heiligē allein vñ zeitliche güter vñ seligkeit eret vñ anrufft.

Das man die creaturen vñ geschaffene ding höher geliebet vnd geforcht hat dan got.

Das man in jm selbs gefallen gehabt hat/vnd sich seiner gerechtigkeit/weißheit/oder anderer tugēt erhebt.

Wie man mit hoffart gesündet hat.

Vnd wie man mit den sünden wider den heiligen geist gesündet hat.

Wider das ander gebott gottes.

Du solt den namē gottes nicht mißbrauchē.

Das man gott vnd sein liebe heiligen gelesert hat.

Das man nie die eer gottes/sonder allein eigē eer/lob vnd rüm gesucht hat.

Das mā auß böser gewōheit/vñ on vrsach übel swert.

Das man vnrecht schwert.

Das man vnrecht gelübd thüt/od recht gelübd brücht

Das man vō gott/oder von seinen heiligen/vnd götlicher schrifft schimpflich redet.

Das man in widwertigkeit/den namē gottes nit anrufft/vnd in glückseligkeit nit dancksagung thüt.

Das man sich der götliche gaben berümbt/vñ lob vō den menschen sücht.

Wie man mit hoffart gesündet hat/mag auch inn dis gebott gezogen werden.

Wider das dritt gebott gottes.

Du solt den heiligen tag fyeren.

Das man gott dem herren/durch das gebett/mes vñ predig hören/auch demütige erseüßzung für die sünd nit statt vnd raum geben hat.

Das man an feyrtagen getantz/gespielt/vnnd vn-
gentliche werck mit überflüssigem essen vnd trincken/
vnd müßig geen getriben hat.

Das man an feyrtagē leichtfertiger handlūg gewar-
tet/vnd vnnütz geschweß/umblauchffen/ziehen vnd rei-
sen getriben hat.

Das man an feyrtagen wider das gebott der kirchen
on not arbeit vnd gehandelt hat.

Das man allein erdichte fyer on besserung der seelē/al-
lein mit essen/trincken/vnd der kleidung gehalten hat
Vnd wie man mit tragheit in dē dienst gottes gesün-
det hat/welche sünd auch wiß alle and gebott gots ist.

¶ Wider das vierde gebott gottes.

Du solt deine Eltern eren.

Das man den eltern wed̄ gehorsam noch ere vnd liebe
erzeiget hat.

Das man den eltern in irer schwacheit/not vñ armut
nicht geholffen/vnd sich irer geschembt hat.

Das man die eltern erzürnet/geschlagē / od̄ inen übel
nachgeredet hat.

Das man den gebottē der kirchē vngheorsam gesin ist.

Das man die priester schafft nit geeret hat.

Das man die Fürstē/herrē/Radtsheren vnd alle die
in oberkeit seind/sie syen frum oder böß / nicht in eren
gehalten hat.

Das man sich in ketzery vñ andere vngheorsame han-
delung/wider die chrißliche kirche begeben hat.

¶ Wider das fünfft gebott gottes.

Du solt nit todschlagen.

Das man mord mit dem werck/mit rat/ oder mit be-
felch/begangen hat.

Das man mit fürsatz mit dem nechsten gezürnet/vnd
gegen im zeichē des tödtlichen zorn erzeiget hat.

¶ Aa iij

Das man den nechsten gelestert / geschmecht / übelger
redt / oder verdacht hat.

Das man ein vnfründlichen willen gegē dem nechste
getragen hat.

Das man neidisch vnd heffig gewesen ist.

Das man zornig gewesen ist.

Das man gezangt vnd gehadert hat.

Das man krieg hat angericht vnd geführt.

Das man geraubt hat.

Das mā die werck der barmhertzigkeit nit geübt hat.

Das man die feind nit geliebet hat.

Das man den feinden nit verziget hat.

Das man für die feind nit gebetten hat.

Das man den feinden nicht güts erzeiget hat.

Wider das sechst gebott gottes.

Du solt die **E**e nit brechen.

Das man eebüch vnd ander vnkeüschheit / wie die ge
schehen mag / geübt vnd getriben hat.

Das man zu schentlichen vnzüchtigen vnd vnkeüschē
worten / liedern / hystorien vnd gemelden / lust vnd wil
len gehabt hat.

Das man mit vnzüchtigen geberden / ansehen / zeichē /
oder schriften vnkeüschheit begert od verursacht hat.

Das man mit überflüssiger zierheit der kleidunge sich
seibs oder ander leüt zu vnkeüschheit verursacht hat.

Das man mit gedancken beschließlich verwilliget hat
vnkeüschheit zu treiben.

Das man überessen / übertrinctē / müffig geen / vñ an
dere vsachen der vnkeüschheit / nicht gemeydet hat.

Das man frembde iunckfrawschafft / vnd anderer
leüt keüschheit nit geredt vnd verwart hat.

Wie man ist / mit allen fünff synnen / vnd mit allen glid
massen / vnkeüsch gewesen.

Wie man mit den stummen sünden gesündt hat:

¶ Wider das sybent gebott gottes.

Du solt nichts stelen.

Das man gestolen hat.

Das man geraubt hat.

Das man dem gemeinen nutz abgestolen hat.

Das man den kirchen abgestolen hat.

Das man einem sein knecht entfürt hat

Das man einem sein vich hienweg getriben hat.

Das man gewüchert hat.

Das man betrieglich gehandelt hat.

Das man falsche maß oder gewicht gebraucht hat.

Das mā vnrechte erbgüter besitzt / od angenomē hat.

Das man gegeyrt hat.

Das man dem nechsten nicht vmb sunst gelihen hat

Das man die werck der erbermbde nit geübet hat.

¶ Wider das acht gebott gottes.

Du solt nit falsch gezeügnüß geben.

Das man vor gericht die warheit verschwigen hat.

Das man ferliche lügen gethon hat.

Das man liebset vnd geschmeichelt hat.

Das man zwischen den leütē / vneinigkeitt / zwytracht
vnd vnfrid gemacht hat.

Das man des nechsten wort / leben / vnd werck übel be-
deüt vnd außgelegt hat.

Das man den übel nachredenden zungen statt vn bey-
stand geben vnd erzeigt hat.

Das man den nechsten nit verantwurt hat.

Das man den besen zungen nit mit ernst begegēt hat.

¶ Zum neünden. Die zwey lesten gebott gottes / als
nemlich. Das neünd. Du solt deins nechste hauffrau
we nit begeren. Vnd das zehend. Du solt deines nech-
sten gütt nit begeren. Legen die andern gebott gottes

auf/wan sie gebieten die erbsünd zu überwinden. das
in disem leben nit mag geschehen. Darumb sagt sant
Paulus zu den Römern am sybenden. Das übel thün
ich/das ich nit wil. Vnd zu den Galathern am fünfte.
Das fleisch begert wider den geist. Dann kein mensch
ist in disem zergänglichē leben volkommēlich rein / vō
vnreiner begird vom geiz.

E Zum zehenden / steet die ganz summa in dem / das
die menschen selig sein / die ir vertruwen in gott setzen /
vnd sinst weder in ire werck / noch einige Creaturen.
Derhalben sol der mensch lernen das er grössers ver-
truwen / in gottes barmhertzigkeit / dan in sein beicht /
oder fleiß habe / dan man kan nit zu vil thün / fürnemē
vnd fürwenden wider das vermaledyet vertrauwē in
vnser werck / darumb sollē wir vnser gewissen gewenē
gott zu vertruwen / wann alles das der meinunge ge-
schicht / das man gott glaubt vnd vertruwet / das ist
gott ganz angem / vnd das ist gottes eere / das wir
in gottes barmhertzigkeit vns allersterckst vertruwē.

Des künigs Manasses gebet

Zu der Beicht seer dienstlich.



G Herz allmechtiger gott: vn-
ser vatter des Abrahams / Isaac vnd Jas-
cob / vnd ires gerechten samē vnd geschlechts
tes / der du hymmel vnd erden mit aller irer
zierheit geschaffen hast / der du das mōr mit dem wort
deines gebots gezeichnet hast / der du die tieffe vnd vñ
die vile des mōres beschloffen / vnd deinen löblichen nas-
men verzeichnet hast / vor welchem alle menschen er-
schrecken / vnd vor des angesicht sterck vnd vermügen

die erzittere/dan der zorn deiner drawe über die sünd ist vnleichtlich. Aber die barmhertzigkeit deiner zusagunge vnd verheissunge ist vnuermessenn vnd vnforschlich/wann du bist der allerhöchste herr/über den ganzen erdboden. Du bist gedultig/gütig vnd seer barmhertzig/vnd mitleid sam über der menschen bosheit. O du mein herr/du hast von wegen deiner güte vns verheissen/die vergebung der sünd/vnd du gott der gerechtē/hast die büß nit den gerechten gesetzt/als dē Abraham dem Isaac/vnd dem Jacob/die do nichts gesündet haben. Ich hab gesündet/mein vngerechtigkeit seind gemanigfeltiget worden über die zale des sandes des möres. Ich bin gebogen vnd verkrummet wordē/mit vil eysinen banden/vnd ich hab kein ergezlichkeit vnd erholung/wan ich hab dir vsach zū zorn gebē/vnd übel vor dir gewirckt Ich hab greüliche ding gethon vñ die beleidigung gemanigfaltiget. Demnach beüge ich yetzo die knie meines hertzens/vnd bitt deine güte O herre o herre ich hab gesündet/ich hab gesündet/vnd ich erkenne mein vngerechtigkeit/ich bit dich o herre vergib mir mein sünd/vertilg mich nit mit meinen vngerechtigkeiten/vnd behalt mir die übel nit ewigklich/dann du würdest mich vnwürdigen/von wegen deiner grossen barmhertzigkeit selig machen/vnd ich wird dich loben alle tag meines lebens/wann dich lobet alles vermügē der hymmel/vnd du hast glorien/lob vnd eer zū ewigē zeyten. **A G L N.**

Got sey lob.

Faint, illegible text, likely bleed-through from the reverse side of the page.

Coelitus

Et michaelis rhoti Vigerfennij

Diuis leg
recusm

